



ГАЗЕТА 1931 ПО' АПРЕЛЬ ИРЫГ ЮКАД ВАТА ХАСАВАЮДИМДЕЙ ЯЛЯХАД НЈАДИБЕРЇА

СИ" ИВ ЯЛЯХАНА НОПОЙ" СЕРТАБИВА"

Мэбета вадава" ила' панан' етри' мэква"!

НЈАРЪЯНА

НЈЭРМ



№ 32 (5254)
2025 по'
август иры'
9 яля

СУББОТА

Российская Федерация Ямало-Ненецкий автономный округ



Сидяңг: Оксана Яр' нэдабтавы

Тадтаңгурта не

8

Иринато' ватовна иле"



Сидяңг: Марина Яр' тадтавы"

Маня" манзаяна" ирмня ханя-римна нэдалёрцава". Тандаярка Тасу' яв' няю' тэворцаваць. Таняна нядэна" ненэцие" мядо"-мана ядэрцаваць. Харта нод" тарем' тасла тюку илангана нэрм' тер" харе" иландо' са-ирм' нэда вынд' са"на". Еси" лаңго"мана мядодо' мярыби". Нэдя' харад' няна нани' тарця" нэвы". Лахарёми ненэцие" пом-на ядэрць минревась.

Нэдалавана" мальгана Ене-лава яхам' нюракуць хаяваць. Тодо" лаңго" ниня мяд", балок" ныхы ян' ябере нэдиць. Хахая' хаюрпато' ханяңы" ненэця" нудидо' лабпиць. Нјанохо"на нэдалёрта" помнандо' нидо' савав-на теневыдо'. Надо" ядхана тамна сырада тондысь. Нјамгэ' пиркана тэводана мя"на" нэдиво"махад сидна" ядабтаванзэ таңоця' тер" лаңг' няю' ядаць. Енелава' лаңг' ниня поңга", нано", халя' сјав' ноньць. Тарцяха" сыраць ёртя" ненэцяңэ тасла пирты". Нјавэ хасёдина" мэ"махадана" мяд' ерв хасава Марюй вэсако тарем' вадамда ханадась:

- Тедарихив халяда тания. Яв' иңэ хэбта халясјамзетыва". Паңохонанда нјамгэ' то"олха халян' харвава" тарця поңгана" пядыбива". Юту тараб", сэвда нюдя поңга мэ"ңава", нјарка идюрця" нјаябадан' харвабана", сэвдо' нјарка нэдимдембива". Мјани терха"на нјарх" поңгана" нули" ёльць'. Саць ханесэйнда нэка нэб" сыпин. Сельбя' няна нани' сава нэсеты. Салабанда мэюро"махад нјанзико салаба' нимня ватаңгурцетыдм'. Та'

ёльцяңгана халянда нэвид нани' яңга. Тёняна мэна" нина" ня, по' тяхамбада" поёна" пили" сава". Тарабата нјахана" тэворцава". Маня" мя"ма" сехэры' ниня нэ, нэдыбъята нини" хэвувнани етри' нэдалёрца". Хардава" нод" нани' хахаи, нэб" час' пир" нэдалёдан', таңо" тарабата телефон' мутрав-на лаханасетыва".

Лаханакурмани' сер' саңоми ти' ни' нэдабтав, ненэсјари" юту нэка нэвы. Нидо' нертембададрев' кор" труба' нјакунa нэкамбой" нэды". Лаханако няна" пухуця Елена Пядювна тарем' ма:

- Теда' ютум' сабе сертабада яңгу. Мани' нюни" харвобтэйдо', тю"у' няңы ян' нэдабтамбасетын'. Туло"махад пире"махад нани' нэвыдо"ңа". Таңок халяхана тамна порцам' пирембасетыдм'. Порца' халяда саць нэка, ханяңэри хибјари тарем' пирен-зюрць ехэра. Халя" нэка нэб" мыньм' тэри нир хебаңгу". Халэна" хэвадо' сава", едэ' тудм' тэри пин' нир" моңгу", пјаны"мана пиревы порца нэбтикы ёльце нэвыдо"ңа. Ханяңэхэна ёдэ' туд пире"махад мэядамбада нэвэна" юретемибива".

Лахарёва" мэць мяк" турта ненэця' мотор' нјано' нултавам' нивэва" намд". Нэкавай Николай нэвы. Пыда нэбтикы вадамда ханада:

- Телевизоркана юн манэ"-лабтамбабато' Саля яв' мюня ненэця" халядабто' тэтнарха". Пыдо' сиддо' халяда ни" нэ-дарамбою". Маня" тюку яханана" таңга ханева". Хибјарт тедари' сидна" ни нюракус". Ханя' хэван' харвава" тания' нэдалыва", сјок



халя тара - таңокм' ватабива". Тарця нэылекахад ехэрава", тикав-нанда маня" Нэдя' тернэ ядава". Хусувэй ханена харта ёда тания", ханяна сјаха' ханевамда харта тасламбида. Ханяна та', сјав' ёрта, нјамгэ' то"олха халэта таниявам' нани' харта таслаңгуда. Нэдь харт нерняку' нэ", тикахавад хибјарт сит ни таблаңгу". Тарабата тикы халэна" мирнэ мэ"эйна". Хар-дахана нэябад' халян' харвана" ненэця" нэка нэсеты". Таңок по' ямбан' мань тарем' таңга ханедм'. Ихиня нэули" сава.

Ненэсјари танияна ненэця" таңга иле". Ненэйвана халядава' нјамна идо' тарем' ядэрца". Николай' вадавна, ёрманзэ ханпато' сидто' нэракута яңгу. Ня"амравахат яханандо' ехэра". Тюку илангана тарця яңгова ненэся нјарка ябра-ха, сјаха', ханя', сјок тарабата толянда ниня таңок нэябадда нэңгу. Ти, тарем' Нэдя' няна нядэна ненэця" таңга иле".

Марина Ярой' падвы

Уважаемые северяне!

От всей души поздравляю вас с Международным днем коренных народов мира!

На Ямале этот праздник имеет особое значение. Коренные малочисленные народы Севера – неотъемлемая часть нашей большой семьи, хранители уникальных традиций, богатейшей культуры и древней истории. Ваша мудрость, бережное отношение к природе, самобытный язык и обычаи – бесценное достояние всего региона.

Сохранение и развитие культуры коренных народов – наш безусловный приоритет. Мы активно поддерживаем традиционные виды хозяйствования: оленеводство, рыболовство и промыслы. Совершенствуем меры поддержки, развиваем образование на родных языках. Особое внимание уделяем сохранению богатейшего культурного наследия. Создаем все условия для комфортной жизни и благополучия каждого представителя коренных народов. Вместе мы определяем векторы развития Ямала, стремясь к гармоничному сочетанию сохранения самобытной культуры и ответа на вызовы современного мира.

Искренне желаю вам крепкого здоровья, счастья, благополучия и процветания! Пусть мудрость предков и сила традиций ведут нас к светлому будущему!

Губернатор ЯНАО
Д. А. Артюхов

Дорогие северяне! Уважаемые представители коренных малочисленных народов Ямала!

Поздравляем вас с Международным днём коренных народов мира!

Этот праздник – всемирное признание неиссякаемой силы духа и бесценного культурного богатства, которое веками создают и бережно хранят коренные народы: ненцы, ханты, селькупы, коми.

Вы хранители традиционного уклада жизни и исторического наследия Ямала. Ваше мировоззрение, основанное на глубочайшем уважении к природе Арктики, почитании предков и крепких семейных узах, – это живой источник мудрости для всех. Умение слышать язык тундры, жить в гармонии с её ритмом и щедростью – ваш бесценный дар, который вы передаёте новым поколениям.

Благодарим старейшин, оленеводов, мастеров, педагогов и всех, кто вносит вклад в сохранение и передачу уникальных традиций коренных народов Ямала.

Желаем вам крепкого здоровья, благополучия, успехов в труде и семейного тепла. Мира и процветания вашим семьям и общинам!

Законодательное Собрание ЯНАО

Тамна яугана”

Ты” лекар” тамна хойхана манзара”. Тев’ ёльцягана саць яуганасеты”, тиртя џано” тодо” вымна тэри тирџа”. Мюсерта ненэця” тикы нидо’ хусувэй яля’ џатейдо’.

Тюку яля’ пиркана юкад вата мат” лекар” бригада’ тер” яугана”. Си”ив - Ямальской няби Тазовской районхана манзара”, сидя - Надымской районхана тэтна”. Яуганавадо’ мале сян ян’ тярмы. Пили” нюрте”э’ ты” лекар” џэсы’ тер няд”мяць ва”адм’ палпи”. Пуна’ тая’ тыдо’ танаби”. Вакана мала”махадандо’ поса’ хабцягуд яугабидо’, биркы џабтамби”.

Няби таңы яуганаваханандо’ округханана” 382 423 тым’ поса’ хабцягуд яугавы”, 666 501 тэн’ биркы џабтавы”. Тамна 29 419 тэхэд вэям’ ханавыць. Тикахана бруцеллэз хабцянд’ таявам, яуговам’ тасламбаугу”. Ты” лекар” малкось вэнеко џани’ нидо’ юрыбю”. 3160 вэнм’ пардонтавыць. Тикыд хабцяџото’ таяб”, тамна’ тяха’ тэхэ” тэвра пирьядо’, ты’ џамзам’ ненэця’ џамбата хабця’ нянда палаугу.

Ямалханана” ты” яугабава по’ сер’ тярмы. Тарем’ харто’ мюсерта ненэця” харваць. Ѓахат ты” лекар” мюсерта” тэтнава’ паџохона



манзараць. Тальџона манзаямдо’ сидя ян’ тярџадонзь. Нюрте”э’ нара’ ялянда сэв’ тю”уна хэ”мяхад, ты” саполана иры’ пиркана џэсьхы” тэворџа”. Яугавдавэй” ты хабарталван’ нидо’ ня”марпаугу”. Тикы’ нямна ты пэртя” сававна тенева”, џадьбято’ џобкартадо’ пуны ни џа”.

Тикы’ хавна теда’ тэхэ”на мэна” ненэця” пардон” лабтэй’ ня”марпи”. Тикыдо’ небой поход нянд’ тамбидо’. Нердена по’ мэсо”махадандо’ ты пэртя” терамда яугамдава’ нямна ерваха” лаханаць. Ма”нисям”, лабтэй’ мюня ты пэртяха”на тарана пардонда’ тянё. Тюку поход лабтэйто’ тердо’ едэй џэвыць. Округна” тиџгывна 1500 пардон’ лабтэйм’ тодо” районвана мюсерта” ненэця” е”эйт’а”.

По’ сидя вэчна тэхэ”на мэна” пили” тэтна”. Ты пэрма нензел” сер” ни џа”. Хусувэй хибяри, лэч ненэця’ ты пэраць нида’ пирас”. Сава, мэй’ вырамдо’ мэтари”, яля’ ед’ минда” ненэй’ ненэцяли” невхы иринато’ ила’ саирм’ нёда’ пирџадо’.

Марина Яр’ падвы



Сидяг”: Марина Яр’ гадтавы”

Ханеугу”

Тюку илаугана тэри хане и’ ватовна ханаць џани’ ни серос”. Тикы’ няю’ ервхат џахакуд таславы падро’ сертаба тара. Тарџасипой” сит ям’, ханесэй’ лэтрамбада” едтебато’ џока есям’ салдамбаугун’. Ханесэй” яля” тодо” район” сер’ џобтикы таславы”.

Хэвы си”ив яляхана округна” биоресурс’ серо минрена” департамент’ тер” вадам’ хэтаць. Ма”ним”, тадри’ сармикан’, я мядотан’ хане пэугуд”. Хадамдо’ сохомда’ пилю” иры’ 1 яляхад џарка пэвдей иры’ 31 џэсонд’ џэдарамбидо’. Сармикм’ хадаван’ харвана” џобтикы пилю” иры’ 1 яляхад ты” саполана иры’ пудана яля’ ёльцянд’ хане пиртадо’.

Небо’ тет юр” ненэцям’ ня”амвыць. Пыдо’ закон’ вато’ сер’ нивыць хане”. Ѓока хибя” тунидо’ џэсянд’ мюня нидо’ минар”, ханяџы” патронсавэй” туни ядэла”, џани” ханесэйдо’ вадець юрыби”. Тосада”.

М.Ярой’ падвы

Тарана падродо’ ня”амвы”

Ямал’ џардавна тэраугова’ серо минрена” вэба’ ирыхына џэванда серото’ нямна џани’ џобт’ тэворџаць. Тамна џопой’ партия’ тер” тэраугован’ сиддо’ џэдарамбада” падродо’ ня”маць. Законодательной Собрание мале сиднетимдей мэва’ тарем’ манзаравандадам’ да тэраугова’ сер’ ма”лаугу.

Пилю” иры’ нябимдей яля’ «Коммунистическая партия Российской Федерации» нубета партия’ тер” депутатџэ мэвандаџэ пыхыдадо’ ваде”џаць. Тикы’ нерџона џэдабтавы” падродо’ сававна сертавыдо’. Ѓокханда няхар” юкад вата сиднет’ нямдо’ падвы”. Хусувэхэндо’ тэраугова’ няю’ мэ”манда’ ненадумда”ма’ падродо’ (удостоверениядо’) хамэдавы”. Ламдо Александр Александрович, Журавлева Людмила Анатольевна, Кукушкина Елена Михайловна избирком’ нермбэртя’ Андрей Николаевич Гиберт’ џудахат падродо’ ня”мыдонзь. Поџгадандо’ вэба’ ирыхына ненэця” хибяхавамдо’ Законодательной Собраниехана манзаравандаџэ тэрабаугу”. Тикы’ пуд округна” серо ня”амбадаџэ тараугу”.

Галина Окотэтто’ падвы

Галина Кинчина’ падвы

Ѓэдалаварида хаи

Пилю” иры’ юкад вата нюрте’ яля’ яна” нермбэртя’ Дмитрий Артюхов Салехардахад Ноябрьск’ ёльцянд’ џэдалаугу. Тикы’ нямна юнм’ мале падыбиваць. Тамальџгана сяха’ џэдалавада тамна пунсись. Ѓахат сер’ сехэрэнда’ ниня џэда” марка”на нултаугу.”

Хусувэй хардахана ненэцие’ лахана нята. Небой ваде”мы” тоенана” серото’ нямна хонрамбаугуда. Хардат’ џэваха”на мэни’ няць

таславандида: џамгэдо’ по’ тяха’ яугамы, ханзер” яханато’ ненэцие’до’ нядавыдо’, тамна џамгэм’ серта тара, иле хардадо’, сехэрыдо’ хурка”. Ямална” џудондана џэдалёромита’ нямна едэй мутры мэць лаханаугу, маня”, юне тэволанаџэ, џани’ паднаугува”. Хусувэй ненэць’ хонравандада’ таяб”, вадида интернет’ сер’ нянда пада’ пирьяда. Неноховавна манэ”мандида: едэйвана’ лехэбтавы” сехэры”, тандая’ мивы”, мимбада” иле харад”, то-

холкось я”, џацеки” сянакулва”, лекар” мяд”. «Сибимдей мэва’ яна” тиџгывна џэдалёртадм’. Тюку по’ минреванда манзаями’ Ненадо”, ва”лэй” ненэцие” поџэ нюмдевы по’ няю’ тидхалёда. Сайнорта” ненэцие” мяд’ тер, яханана” џока по’ ямбан’ таром’ ха”аврамбада” лекар”, џацеки’ тохоламбада”, тамна џани” манзаи’ минрени’ лахана’ нятадм’», - тарџа юнм’ харта интернет’ мутравна пададась.

ЧЕСТНЫЙ
МЯРШРУТ

Янда тер вадан' тохоламби



Яханана" ненэй вадам' минрена" жокараха" ни" жа", сянбойдо'. Таддикахад нери" то"олха" нэсеты", теда' мэсь тарця нивысь жа", поуганандо' жопой хасавахав таниявысь. Нямэхэна Леонид Юрьевич Салиндерм' лаханако ня"жадамзь.

Леонид Юрьевич Нэдя' хардахана жацеке ненэй вадан' тохоламби. Ня"амбада классада мале жока. 5, 6, 7, 8, 9 классахана мэна пэрца. Пыда лахарёмда тарем' пядась:

- Ненэй вадам' минрева нянани сава. Жацеке тохоламбувандажэ Санкт-Петербургухана тоходанадамзь, жадыбьята теда' манзаями ихинани ёльце пои.

- Жамгэ жацеке тохоламбадажэ хэсь тасласар?

- Мале жахакуд тарем' тасламбивась, лакри' ненэся си"ми тарця манзаян' ханаць. Нерня саць савараха нись жа", пунахав янамбовна торомдав, хуркари книги толабасетыдм'. Ненэй вадам' минрева тоенарка. Ненонна ханзер" жацекехэ" вадець таравамда хамэда серо"жа. Нэдянгуна си"ми табедамбадами Антонина Сунгучавна Салиндер. Няданда етри' хонаркосетыдм', си"ми жоб" нядабасеты. Небями няхар" ю" си"ив по" ямбан' нюдяко классахана мэна жацеке тохоламбись. Манзаямда тид" минредась, вадавы, тидхалевы жацекеда жока, ханяңыдо' теда' школахана сита тотрев' манзара". Мани' некани ня' жани' сита пыдани'. Неками - Георгий Юрьевич, пыда физкультурам' минре.

- Школахана манзарава нянанд хурка?

- Сава. Похона няхар" ю" час' пирм' няни тамби". Жопой си"ивхана сидя ненэця' вада урок нэсеты, ненэцие" литература - жопой час нэсеты. Тикыв хавна «Культура народов Ямала» нубетам' минресетыдм'. Сочинения, стихотворения, иле"ми падыбасеты", падта"ми сертабасеты". Ханяңэхэ"на Ямална" нямна, ненэй ненэцие" ила' нямна нэда" кинохо" сырцетыва". Урокахато' нудякомбой" маймбасеты". Пыдо' нянандо' сямян жамгэ илека, намдаван' харванодо' жод" жока нэсеты. 8-9 классахана мэна" мале жарка", нянандо' жанисэй" жамгэ" илека то"олха".

- Выңгад турта" жацеке" вадавнандо' лахана"?

- Жаха". Пыдо' лаханахава" ёльце тенева", паднаваюм' вуни" сабе хамэдамбю". Сиддо' литературной вадан' тохоламбасетыдм'. Жамгэхэв вадам' хэтангу", няндо' манзетыдм': «Тикывадамда" тарем' хэтыбира", падыбаб" несэйвана падыбада». Помнана" тасалкосетыва", манд"ним" тарем' ни жа", мань манд"нидам' нябинзер" жа. Тарем' тасалковахана" жопой иңут ха"амсетыва". Пыдо' тенева", харе" вада' хэтыр" юриба ни тара".

- Жацекед конкурсахана" на мэсеты"? Ненэй вада экзаменм' тэрабасеты"?

- Жаха". Мань сиддо' олимпиадаха" хамекурць нядабасетыдм'. Ненонна урокахихи"на хамеко ереберцеты, жани" тохоламбувандидо' жока" нэсеты". Тарем'

жод" пирдырмаха"на жамгэхэв матадм' ханасеты", нуда' терси" ни" хэсету". Хар"н жод" жани' конкурсахана" на мэсетыдм'. Ня-мэхэна нара' «Учитель родного языка и родной литературы Ямала» номинацияхана нябимдей ян' ха"мываць. Ненэй вада экзаменхавм' жули" харвабтадо', ненэця' вадам' тэраван' харвавамдо' жахакуд няни вадецетыдо'. Тюку по' 57 хасаваюдимдей классахана тохолкода ненэй вадавна нэда экзаменм' падыбиць. Пыдо' мал' сававна пададонзь, таңга пирдаледонзь.

- Манзаянд хавна тамна жамгэ серо пэрцетын'?

- Ханяңэхэ"на манзарани" ед' таславы пирдырмаха"на мэсетыдм'. Жобаңгуна школа' тернэ волейболхана нюртей ян' ха"мынаць. Баскетболхана ня-

бимдейваць. Луца вадахад ненэй вадан' тидхалембада" падвыни таниясеты". «Советское заполярье» нубета газетяхана манзарани" падвы ненэй вадан' падыбасетыдм'. Тохолкова, лекарабтаңгова, политика, ненэцяңга"на лаханако"ма" нямна нэсеты".

- Тамна ханявахана манзара"мар тания?

- Нерня колледжхана жацеке тохоламбадажэ тарадамзь. Тикыви пуд садикхана манзарадамзь. Жацекекени" жули" нудяць, няхар" похортадо' яңгуць. Нара' няна няндо' тэываць, наңэдя та', нэрё' нэсонд' нянандо' мэдамзь. Тамальнгуна жобтики хуркари" пирдырмаха"на мэсетыва".

Лахарёни' та' малда. Сяхари' Леонид Юрьевич' нямна, тохоламбада" жацекекта нямна жани' паднаңгува".

Сидяңг: Марина Яр' тадтавы

Сидяңг: Анна Яптик' тадтавы



Жаябэй жацеке' мядонзэй

Ямалхана ню соявы" не" маңгы" иры' нюртей яля' 2019 поход «Малышу Ямала» лабтэйком' ня"марпи". Нэсяндо' мю' жаябэй жацекехэна тарана жава сабаби", жокханда самляңг ю" жамгэри. Тарця мядонзэйм' си"ив по' сер' 35,5 ёнар" мяд' терха" ми"мы".

Хусувэй по' ненэцие" харвабцовна нядаңгосэймдо' яңгамдамбидо'. Теда' округна" хэвняна жацекедо' соявы" не" лабтэймдо' (тарцям' ня"марпавы жэбто' есясавэй сертификатамдо') пуна ня"мабато' серота. Жопой", нундо' си"ив ирыңэ хэва' нерцю"

падродо' ма"лабто' тараңгу. Сяхаңгав' сидя иры' ёльцяңгана ма"ламбабато' серо"нась. Тикым' 2025 по' лимбья' иры' нюртей яляхад несэймдадонзь. Ембдирка"на панта лабтэйм' харе" хардахана нэда «социальная защита» нубета мякад ня"ма пиры". Падро МФЦ', «Госуслуги» портал' сер' сертабада". Ненадовна жацеке округна" загсхана падбата тара. «Рождение ребенка» суперсервисм' няд"мяць тания' падыбада.

Ямалнаханана" лекарабтаңгова' серо минрена департамент' ерв Сергей Новиков тарем' мамысь:

- Ханяңэхэ"на не" яндо' хэвняна нудо' хосетыдо'. Лекар" сиддо' несэй хардан' нэдарасеты". Пыдо' таминдо' мякандо' нисеты" ту", нито' мякана мядомадо' жани' таниясеты. Жадыбьята индо' таңгава' е"эмня лабтэйм', сертификатм' ня"марпавандо' ёльциам' жармдаваць.

2023 по' ты саполана иры' 1 яляхад нябимдей, няхаромдей нудо' ховэхэ" электронной сертификатм' мипа пядь. Жокханда тикадо' 37 ёнаркана тердевы. Не жацекеанда тарана жамгэрид харта мэсь пиржа. Ня"мавы" есьда по' ямбан' мэпта сава". Жопой' мэвахана садпата, ханэйвана тэмдорпата серо"жа.

Сайнормы ненэцие" мяд' тер пурҕава"

Инзеледа"! Сайнормы ненэцие порта" юнм' нэдарамбива". 1941-1945 похо"на сайнормы солдат" мяд' тер пурҕа". Пыдо' фашистхад ямдо' нэдабавы". Маня" тюку яля' илевана" ед' ям' хэвхалмы". Юрнана" ни" ҕа". Маси" мядото' тер" нидо' тумдаҕудо'. Тикы' е"эмня тасий вади падыбива".



Үб' ненэй ненэця' Дмитрий Алексеевич Валеев' мята тер пурҕава". Нарка сайнормахана ява" лэтрамбавысь. 1896 похона Надымской районхана Хэ хардахана соявысь. Тикахана пухуцян-да Валеева Сусанна Ефимовна' ня илевэхэнзь.

«Дорога памяти» нубета сайт-хана (URL:https://doroga-pamyati.org/) Д. А. Валеев' нямна падвэдонзь. Нюнда не ню нямнан-да тарем' лаханавысь: «Ирими нули" мэбета ненэц' нэвысь. Саҕговота нарка ты марцяхаюта

1942 похона хор" иры' 16 яля-хана я' поҕгана нэда мерёлевы" №2582 лекар" мякана мэвысь. «За оборону Ленинграда» (серия и номер удостоверения к медали: В-28971) нянда медальм' ми"мыць. 1943 по' хор" иры' 17 яля' красноармеец Д. А. Валеев №1360 госпитальян' тэввыць. (падаркана соя"ма' поданда 1906 пом' падвыць).

1944 похона лимбя' иры' 29 яляхана красноармеец Дмитрий Алексеевич Валеев №1360 эвакуационной лекар" мякад савумдани" 1 батальонан' хэвысь. Таняд 1944 по' яра иры' 9 яляхана Ленинградской военно-пересыльной пунктан' тэввыць. Тикы по' лимбя' иры' 10 яляхана 36 запасной приёмно-распределительной батальонан' нэдаравэдонзь. 1944 по' яра иры' 17 яляхана 389 запасной энергии" 36 полкан' приёмно-распределительной батальонан' тэвравэдонзь.

1944 по' ты" саполана иры' 13 яляхана 893 энергии" полк' тер Дмитрий Алексеевич Валеев №1179 эвакуационной госпитальхад 990 госпитальян' юсибталавэдонзь. 1944 по' ты" ниць иры' 8 яляхана 2 энергии" полк' 196 энергии" дивизияхана мэванда мальҕгана Дмитрий Алексеевич Валеев (1895 пом' соя"ма' поданда падвыць) №990 эвакуационной госпитальхад мерёдо' савумдани" батальонан' (Лазаретный пер., 2) хэвысь.

Маңгыты" иры' 25 яля' 1944 похона падвы №020/н Гатчинской Краснознамённой' энергии" дивизия' ватовна (№020/н от 25.06.1944 г.) Дмитрий Валеев тамна ҕопой «За отвагу» медальм' ня"амвэңэ тасламбидо'. Тарця табекон' падарм' 289 энергии" полк' нэвахана мэна Советской Союз' гвардия' Герой' майор' В.М. Южиков пидтевысь. Ленин' нюмна нэда (20.05.1940), няхар" Красное Знамя' ненадумда"масавэй" (06.08.1944, 04.02.1945, 30.12.1956), Суворов' нюмна нэда (III степени) (09.06.1945), Красной Звезды (13.06.1952) орденда, «За боевые заслуги» медальда (05.11.1946) танянарха". Тамна ҕани" ня"мавы" ненадумда"мида танянакы". Приказхана Андреевиччэ падвэдонзь: «5 энергии" рота' тер рядовой Валеев Дмитрий Андреевич Нарвской плацдарм' няңым' саюхат таңгумдамбавандо' мальҕгана (10.06.44 г.) нарка тум' хабтаба таравысь. Няхар" саюм' ядав-высь». 17.09.1942 г., 20.01.1943 г., 15.03.1944 похо"на ядараңгавысь.

Тикы падвы вади пыда нямнан-да нэдаңэ нидо' тоса". Тамна тасламбидо'.

1944 похона пилло" иры' нюртей яляхана №025/н табекон' сер' 289 энергии" полк' сер' 120 энергии" Ленинградской фронт' Гатчинской Краснознамённой дивизияхад нэда 5 энергии" ротахад нэда красноармеец Д. А. Валеев «За отвагу» медальм' ня"амвысь. 25.07.1944 похона Ванамыйза' няна (Эстония) сайнормандо' ёльцяңгана сидя саюм' иленаңэ ханавысь. Табекон' падаркана 17.05.1943 и 10.11.1943 похо"на ядараңгавысь.

1944 похона пилло" иры' 8 яляхана красноармеец 289 энергии" полк' 120 энергии" дивизия' тер Дмитрий Алексеевич Валиев (табекон' падаркана тарем' падвэдонзь) сортировочной эвакуационной №1170 госпитальхад №266 эвакуационной госпитальян' тэвавыць. Приёмно-распределительной батальон' 36 пуна тараванда" энергии" дивизиян' товвысь. Нюдя пэвдей иры' 14 яляхана таняд хэвысь.

189 стрелковой Кингисеппской Краснознамённой дивизия'

Ленинградской фронт' №014/н от 02.04.1945 г. табеконна орденм' (Славы III степени) ня"амвысь. Псковской то' хэвхана сайнорпато' 12 саюм' мардаввысь. 1944 похона ты" саполана иры' 8 яляхана 2 энергии" полк' 196 энергии" дивизияхана енертаңэ таравысь. Тарця я"авлада сайнормахана мерёлевыць.

1945 по' сие ниць иры' 20 яляхана 880 энергии" дивизия' рядовой Дмитрий Алексеевич Валеев харта яхана нэда савумдани" 2 батальонхад приёмно-распределительной батальонан' 36 запасной стрелковой дивизиян' тэвравэдонзь. Тикы яля' военно-пересыльной пунктан' Ленинградской комендантской управлениян' тэвавыць. 1945 по' ты" ниць иры' 1 яля' таняна мэвысь. Ты" ниць иры' 4 яляхана ПРБхад пуна тараванда" энергии" полкан' товвысь.

С.В. Шулинин' луца' вадавна падвэвна
Руфина Окоэтто' ненэй
вадан' тэвравы

ВАЛЕЕВ
Дмитрий Алексеевич



ни' таңга илыбавыдась. 1949 похона яңгумысь».

1941 по' неняңг" иры' 11 яляхад Красной армияхана мэвысь. 1942 поход маңгыты" иры' 20 яляхад Ленинградской фронтхана таравысь. 1944 поход нюдя пэвдей ирыхад 880 стрелковой полкан' тэвавыць. 1943 похона хор" иры' 10 яляхана Пулково', 1944 похона ты" саполана иры' 8 яляхана Псковской то', 1944 похона пилло" иры' 5 яляхана Нарва марад' (Эстонияхана нэда мар') хэвхана сайнорпато' мерёлеңгавысь. Сайнорманзь Надымской РВКхад 15.05.1942 похона ханавэдонзь.

«За отвагу», «За оборону Ленинграда» ненадумда"ми ня"амвысь. 109 энергии" дивизияхана мэвысь. Еховы" солдат" падаркана ёховэңэ падвэдонзь: «1942 похона пилло" иры' 2 яляхана красноармеец Дмитрий Алексеевич Валеев, соя"мада 1897 по, Надемской район' Омской область' сельсовет' тер. Омской область' Надемской РВКхад сайнорманзь нэдаравэдонзь. Пухуцьяда Т. Ефимовна Валеева. Тюменской область' «книга памяти» мю' (том 3, стр. 75) тарем' падвэдонзь. Тикахана паддам' пыда ситанда пэрҕадо'».

ОБЪЯВЛЕНИЕ



Ямалхана СВО' няна сайнорта" ненэцие", мято' тер" е"эмня ҕадимдевы" няд"ма"



Интернет' мутравна сидна" хось пирҕада", тюкон' тудуа".





Ненэй ненэця' илаңгана выңгана хусувэй ңамгэм' харто' сертабидо'. Тарцяхана хибяхарт сиддо' лаха ни нядабю". Тикы" теневабцодо' техэ невхы илаңгад минрейдо'. Няхар" иры' сер' нянда" ваде"ман' харвэйна".

Тарця" ңавэ тамна' тяха' няна" Ензя' няна илена нява" Раиса Пехедомовна Яптуңэ ваде"ядась. Пыда иланда ямбан' ңопой падарт' ма"ламбавыдась. Пыда юне тэволанаңэ тарась. Падвыда пыдара" ңобтикы толэйда". Ңока ңамгэм' намдаңгуда". Ваданда хэтыр", иланда саир" Ензя' терхат миңа. Тарця" теневабцо" сяхаринда нянанда" ңани' тараңгу".

Тэнаком' мимбава

Тэно" мимбава ңобтарем' тэри тарця сер" вуни ңа". Хурина ненэй не", не нюдо' ңахакуд, нюдя ңэдахандо', тэнаку мимба тохоламбидо'. Нерде' тэри тэнако' ярэй не ңацекехэ" мита", тикахаданда харта тэнако-дамда янамбовна миңгу. Ңамгэ' мян ңод" пуна сертавыда харта сэдора мэтыда.



Сидяңг: Раиса Яптуңэ тадтавы

Тэнако ңока"явана таңга мимба-да, сэдуванда ңамгэ, мюсярта нехэна, пили" пон' ңока ңэ" нив". Хурина хад ңумгана, пихина сабе манзаянда яңгодан', тэнакодамда мимба тебаңгу. Тэнода ңодякохона падтавы тэно" ңэся' мюня ңа", сэдораваанда ёльцяңгана таянд тэри вэрдамбида. Тэнако' юңэ пэр"манда малда - няңо"ңа, нябида, нибя' сивна паклеванда малда, - ябталюйңэ пэртя. Мадавы сэдыба мэта тэнако", тадтикахад ңодяко паңгалпа мэ"манда" ябталюйкоңэ мимбада". Еяхана, пива' ңылкана мэта тэнаку тасла няңотаңэ мимбада".

Парэ' еся' сертыр"

Парэ' еся ңамгэхэвмэеся' ютеркад лаха ядыба-да, ханяңэхэна сересяңгад ядыбада. Парэ' есям' ядыба пэванда нерцюна хасава тум' харв" пяхана вули" пятаңгуда. Таяна морёнда сомбовна ңадиво"махад минханда парэнда есяңэ таславэмда, сересямда тун' паклеңгуда. Тикамда морёво"махаданда тикари-хина тухуд нэкалка минханда ядарць мэтада. Пянда ютер' ни', тебармы еся' ни' мэхэя, морёмбадаханда махана ядыба пяңгуда.

Ңод" ңамгэ' мянув-на ханзеркабта парэнда

есям' ңани' тун' моңгуда. Ңани' тикамда сававна морёмдаңгуда, тадтикад тыцяңгана нэкалка ңани' махана хутдаңгуда. Тарем' сомбовна пэвда"махаданда тандая' парэнда есям' сересяңгана сян ёңорэй силтада. Парэнда есям' ңолёкоця ху' пянытарев' сидя няд силп-хая сертаңгуда.

Пили" пуда' парэнда нямюм', янабовна мако-цяхана ладыбахая, мале" ңахакуд ңанэдавэнда парэнда пя' мюмня сыңтада. Мирма' ёльцяңгана парэ' еся пили" пон' силпада. Нянд-сяда парэ' еся ңамгэхэртм' сававна ни сит".



Сидяңг: Галина Кинчина тадтавы

Ңудахана сертавы парэ

Ненэй ненэця' илева' тяхад ся-мян тарана ңамгэмда ңударихината сертабю"нидав'. Хасава мирць мэта ңаварита поңгана ңоб" тарана ңамгэда - парэ'. Мирма' ёльцяңгана парэсипой" ңамгэхэртм' сиць вуни пират", сямян ңамгэм' мимбава' ёльцяңгана парэ' пили" пон' тара нив'. Парэнда яңгода хасава тика-рихина хананда тахараб", тюранда маляб", тикы мардовы ңамгэрихита тэри сырат" нив'. Тарця мирвада яңгода ненэць' хурина парэм' сер-таба тенева на няханда парэдамда сертаванзь табедангу.


Парэм' мива тэри тарця нензел" манзая ни ңа". Сита мэта есяда лаха таславы, мэе си" есяхад сертабада, харта халбуй сересяңгад ядыбада. Парэнда есяңэ таславэмда миртя ненэць' сомбовна тодана тухуна ядаңгуда.

Пили" нерде' харв" пяхат тум' пятаңгу, сававна лэёмбада ту' ерт' тикы есямда моңгуда. Тикада тодана ту' еркана ңули" морюмбата тара нив'. Няръянаңэ хэб"нанда тикам-да, тухуд нэкалка, тикарихина, ядарця' паңг' ни' мэхэя, сянди яхад махана ядаңгуда. Парэм' мимбада

хасава тарем', сян ёңорэй' парэ есям' тун' моёпахая, ядыбаңгуда. Парэнда еся вули" салмуйңэ, халбуйңэ хэбта тара. Техэ малханда тарем' пэвдамба ельце"махад, парэ' есям' халбуйңэ ясьмы, салмуйңэ сертавы пян', махана ладорпахая, сыңтада. Парэ' тю"уй вэта сюретявңэ мивы, халкадуй пя' ютер' сивна паклевы. Сидя тас-ла сертавы сивна парэ' сава еркана тобьева' еңглосм' паклеңгу. Парэм' манзабтамбава' ёльцяңгана тикы тобьева тебдевы пям' манзабтамбава' сер' парэм' сюреле.

Хурина ненэць' ңамгэхэв ңарка сим' сертаван харвабата сидя сим' ңоб" хэвхана сита, тадтикад тикахаю-да ңобт' сипванда сер' вэктаңахаюда. Тадтикад сертавы симда пя' хар-хана тэри салмраңгуда. Хурина ңамгэхэвм' сипва' ёльцяңгана мир-тя ненэць' иняняңы ңудахананда парэнда пям' ня"амбида, вэняңы ңудахананда парэмда сюртемби. Парэ' есяда ямбадада си"ив ю" сантиметраңэ харва.

Тедэй илаңгана сабе парэм' сертаба тенева на ненэць' хаёдадо' мале яңгу. Ханяңы ненэця" луцахат тэмтабада еся парэдо' мэ"ңа".



Сидяңг: Галина Кинчина тадтавы

Сюнды Вэсако

Ненэсяри нод" таҥоця' няку
нылекандо' тохова хаби" пэдаран'
сюрбыд". Писякодрев' лыҥгарэяд".
Мани' вэсако ни ханни' хэвхана
нуни'. Пуда Хаби Ерв пэдаран'
сюрбаҥгуць, Сюдбя Вэсако хаби'
павэхэданда ня"мада. Пенда ни'
мэда. Ма:

- Хаби Ерв нянанд тарабата
ханад.

Сюдбя Вэсако хэвня' сыртан'
Хаби Ервм' мар"ҥав. Ханни' ни'
мов. Тет хабтаркам' мэць няхарҥэ
ҥобт' тийва". Сюдбя Вэсако
ну"мада яхананда тюрьць хаи:

- Няна вэвадамнё! Ханзер"
Сюнды' не нюм' хадатани
ҥэдарав?

Илебямбэртя' хасава ню ма:

- Сэр" параҥодан' ҥэдалахава".

Таня' пява". Сюдбя Вэсако
пудна" сюрамби. ҥоб" ни хаюр".
Итя ҥабтеныам' салаба' нимня
мадава". Сэр" параҥодан' тэыва".
Иле"мями серакута сер' вадэ"ҥав.
Сэр" параҥода ма:

- Тюкона хаида". Сюдбя
Вэсакова" ҥобкана ҥатехэва".

Няхар" по хая. Сяны ҥэбта
ҥод" пин' тарпыв". Инзелеб"нани
мардурга салаба" ламна намдадм'.
Тад" сылавани Сюдбя Вэсако
салаба' нимня нялодарҥа. Тарцям'
манэ"кава Сэр" параҥода ма:

- Пыдар хань", маня" тюкона
ҥатеҥува".

Мань хаядм'. Ҧамгэ' ёльцяҥгана
хаёвыни" хада тебвондо'. Тырито'
минад няби я' панан' со. Пон' нидм'
ҥэдалю", Илебямбэртя' мя"амна
ҥадимядм'. Вэсакохо', пухуцяха'
сеней миндканди' илеҥаха'.
Няхар" по хар"на" илева". Вэса-
кони сыҥгрёда яҥгу. Няхаромдэй
похона Илебямбэртя' хаваса ню,
Хаби Ервнди' ня ҥадимяха'. Вэ-
сакоми ма:

- Няхарҥэ ҥодь варекана" Сюд-
бя Вэсаком' маядава".

Илебямбэртя' хасава ню –
Илебямбэртяҥэ хая, Сюнды' не ню
– Я- Сой, небяхаюда, нисяхаюда
пили" юрҥахаюда. Хаби Ерв –
Явмалҥэ хая.

Та' малда.

**(Нердена пеляда
31 номеркана ҥа)**

**Марина Яр' ненэцяҥгат
намдавы, падарт' падвы**



Сидяҥг. Анна Ялҥик тадтавы

НЕНЭЦЯ" ПАДНА"

Маня" вадава –
соя"ма' вадава"
Ненэй вадава –
соя"ма' вадава",
Сеҥгакоцядарев'
муно"ҥая,
Ҧамдэтарев'
вадёная.
Ненэцие" нюҥэй",
тю"уку' ҥада",
Нявотана" тэдрев'
нерняри' пэрҥара",
Вадамда" мэнера",
нёра" юрьбю"!

Ҧарка Ямал –
мань сава ями,
Ҧарка вы' яр –
Мадавэхэ"на падтавэраха.
Едэй соявы суюдарев'
Хусувэй яляханд маймбидм'.
Мань сит тенедм',
Мань сит мэнедм'.

Юлия Сэротэтто' падвы"

Мерця

Няхар" ямб яля'
Ҧэрм' мерця"я
Инда харбёвана
Мерця ладыбида.
Ҧарка Тасу' яв
Маранда' няд
Хамба манзабтана
Табда ҥадимя.
Мерця манзабтавы
Вамзедёда яха',
Яха' мара' нина
Таҥгакохоя,
Ёртя хасава"
Поҥгамдо' сэдорпи".
Якор' иняд
Марад сярда
Хэхэдана хора'
Хора' тотрев'
Харпас ладарҥа.
Ҧэрм' мерцяхов
Ҧамгэ' ёльцяҥгана
Харта ланомда.
Ёртяхабина"
Мотораханандо'
Хамби лядпа
Ҧани' ёрта".

Мараҥга

Юмбарад' нина
Ҧули" ҥокавана
Мараҥга" холкавы".
Паду нярҥяна
Ҧавыдота ҥодя"
Паркадо' екавы".

Сэракоко парка
Ека"махадандо'
Нярҥяна паны
Пыдо' сервы".
Яля' яво' ед'
Сюрхалпанандо'
Саренана паду"
Сарава' то"олха".
Хибяри мэнена
Ҧавыдота ҥодя.
Выҥгана илена"
Тохорць хэсеты".
Пухуця ҥэбто'
Ҧацекэсавэй"
Хо' туесако
Панаць тасеты".
Мараҥга - сядота,
Ҧавыдота ҥодя.

Надежда Салиндер' падвы



Сидяҥг. Марина Яр' тадтавы

Тадтаңгурта не

Оксана Яр Нядаңгарад' няна иле. Пыда Ямал' тигъывна мале юнета не. Ненадо-вна ненэй ненэцие" сидяңгад сертаби, округна" ханяримна ядэрманда сер' етри' тадтаңгурцеты. Теда' похо" ма"лабавы" сидяңгада цокамы", һадимдева' пирцэ хэвы". Нюртей выставкамда невхы ила' саирм' манэ"лабтамбада музейхана нэс таславэда.

Тет ю" пир" сидяңгамда һыдаванда хавна һодякохот паңгалмыда, полимерной глинад сертавыда тэвравы. Хусувэй тадта"махананда цэрм' тер" ненэцие" илам манэ"лабтамби. Цопойхана малкода хасавам манэцэ пирцава", һанихина ты пэрти" сянакова' яляхана тарота ненэцяңг'...

Ты", вэнеко", һодя" - мал' ва"лэйвана тадтавыда, тамна илена' то"олха". Выставкан' товы" ненэця" тарця манзай манэ"мандо' сер' тэри пысыңгавыць, маймбаваць, савари вади хэтыбавыць.

Сёэтэй не Любовь Бирюкова турмы" поңгана мэс, паской һамдэдода мипаванда сер' тарем' мась:

- Оксана цули" мел" не, һамгэри манзаям пяб"нанда ёльце варемда мэцеты. Сидяңг сертабавам' һани' сямьяхат мэнеда. Таддика-хад пыда ты пэрти" илам' вадецеты.

Тамна һани' цопой не Антонина Салиндер тадтаңгода' е"эмня ненэця' вадавна цэда сём' ханавысь.



Сидяңг: Оксана Яр' һэдабтавы



Сидяңг: Оксана Яр' һэдабтавы

Оксана ма"нисяв:

- Сяхари' тамна һаркамбой выставка сертабавам' харвадм', тарем' ненэця" маня" илна" нямна теневаңгу". Тюку - нюртей сидяңгани манэ"лабтабавами, товы" ненэцяңг" сейхад цэда" вади мэ"һадм', мань ихинани товара" цули" сава. Самляңг по' ямбан' тадтамбавыни цыдадамзэ. Ненохованна мале юд' мян' по' ямбан' тадтаңгудм',

тюку манзайни" сямьян тэңз конкурса" цэдарабиниась, ханярина савуцетыдо', нерня' пэрцетыдо'. Тадтаңгова' хавна һодяко паңгалпасетыдм', хуркари сомбой цавори сертабасетыдм'.

Ва"лэй тадтаңгодан' тарем' маңгава": «Нерняри цэ", варемд мэс", манзайд тэмдабада" цока" цэя"».

Анна Хорэли' падвы

Пирувнандо' тохолку"

Хой' няна илена" һацекеця" харто' пирувнандо' школан' хамеко пэрца". Пыдо' сиддо' нядандо' һаркамбой" нидо' тохоламби". Хусувэй по' нюртей классан' хэванди" е"эмня «Готовимся к школе» акциям' минре".

Тики серто' маңгы" ирыхыд пядонзэ. Пиллю" иры' малева' цэсонд' пэртадо'. Тохолковам' сидя ю" тохолкулава яхана минредо'. Пяку" яхана, Няда' хардахана, Тасу яв', Я' мал', Пэ" няна, хаби" яхана. Маңгы" ирыхына 47 группахана сидя юр' мян' һацекекым' тохоламбавыць. Тарця вадам' округна" тохолкова' серо ня"амбада департаментхана манзаранахат намдаваць.

Һацекекы цэсыхы"на, факторияхана, халям' пэрти" таңоцяңга"на школан' хамедамбидо'. Нюртей по' падна пэвандако" варемдо' мэцэ буква, цифра тохоламби". Ханяңэхэ"на мякана падна", толаңгу", пихина сянакобидо' һани' тания". Я' нийм', һамдэдо", һоди" ханзер" вадэданвам' мание тоходана". Яханана" хурка сармик", нув" сармик таниявам', ханяна илевамдо', һамгэм' цормамдо', хурка цэвамдо' вадэ"һа". Ялэхэ" маниена цаводо' падтамби", пластилинхад һамгэдики сертаба тоходана".

Сиддо' тидхалембададандо' һацекекы тохоламбада", психолого-педагогической классахана мэна" һацекекы" тара". Тет ю" пир" һацекекы тохолабувандаңэ хэванди" һахакуд сяхари' пыванда манзаямдо' торомдамби". Пыдо' по' ямбан' школахана педагогикам' няби психологиям' тохоламбавы". Теда' харто' теневабцодо' һани" нюдьярка" няхато' вадэ"ядо'.

«Готовимся к школе» акция нюдьяко һацекекы школан' хамэдамбава программахад пере. Сидя ю" «подготовительной группа» нубета" Муравленко, Красноселькупской, Пуrowsкой, Ямальской, Шурышкарской, Приуральской районхана цэда" школа-интернатхана манзаямдо' минре".

Таддикахад округна" цэвахана мэна ерватовна Белоярск', Цэдя', Паюте"э', Пэ Саля харад" школа-интернатхана нюртей классан' хэванди тохоламбидо'. Тики проектандо' сер самляңг иры' ямбан' хамеку". 2024 няби 2025 похо"на тарем' тет ю" пирм' тохоловы". Цани яляхана Хо" сальяхана, Саля' малхана, Новой Портхана тарця" группа" һадимда".

Анна Яптик' падвы

Цани' хамеку"

Избирательной комиссия' серо нерня' минрена" пиллю" иры' самляңзимдей яля' һани' цобт' ма"люрцаць. Тэраңгова' няю' хамековамдо' һани' тасламбидонзэ. Тамна цопой партия' тер" тэраңгован' сиддо' цэдарамбада" падродо' ня"маць.

Социалистическая политическая партия «СПРАВЕДЛИВАЯ РОССИЯ – ПАТРИОТЫ – ЗА ПРАВДУ»' тер" тэраңговихана мэвандаңэ няхар" ю" нямдо' нерня' мэвы". Мал' ненадумда"ма' падродо' (удостоверениядо') ня"амвы". Тасалковандо' пуд Лазарев Максим Николаевич, Аюпов Эдуард Маннурович, Поленова Инна Сергеевна, Куманёва Ольга Николаевна избирком' нермбэртя' Андрей Николаевич Гиберт' цудахат падродо' ня"мыдонзэ. Пыдо' нубедо' вэба' ирыхына тэраңгова' падаркана манэтына". Поңгадандо' хибяхавандо' е"эмня пидте"мина" һабтаңгува". Тикы' пуд Законодательной Собрание' депутатцэ тараңгу". Яна' серо нерня' тидхалембаңгу", илма" савумдава' няю' нядаңгода".

Галина Окоэтто' падвы

Газета «Няръяна Нгэрм»	И.о. главного редактора Кинчина Галина Сергеевна	ГЕНЕРАЛЬНЫЙ ДИРЕКТОР АНО «ЯМАЛ-МЕДИА» Зулинова Мария Андреевна	№ 32 Подписано в печать 07.08.2025 г. Вышла в свет 09.08.2025 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д.9, каб.708).			Тираж 3600 экз. Заказ № 1091 (тираж 3600 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнуныяца, д.1, каб. 106	Цена годовой подписки 166 руб. 84 коп. В розницу не распространяется.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)			Фактический адрес: 629007, Ямало-Ненецкий автономный округ, г. Салехард, ул. Чубынина, 39А	Адрес редакции: 629003, ЯНАО, г.Салехард, мкр. Богдана Кнуныяца, д1, каб. 106 тел. (349 22) 4-53-32
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559			Газета выходит по субботам.	E-mail: nn@yamal-media.ru